

ሚኪያሴ ማፃአፖ ዓይያ ካር

ጾኑሲ ማሊያ ኬኤዛ ሚኪያሴ ጾኑሲ ማሊያ ኬኤዛ ዒሲያሴ ናንጌ ዋደና ዓኣያ ማዓዛ ሸይንታ ዒዛኮ ደኣሎ ዛሎ ዪሁዳ ካኣቲ ዓጮ ዴማ ዓኣ ፔቲ ዳካ ካታማሰኩኖይዳኬ። ጾኑሲ ማሊያ ኬኤዛ ዓሞዴ ኬዶ ዛሎ ካኣቶ ዓጮ ባይሲንታ ሄላንዳሢ ኬኤዜሢሂጉዲ ሚኪያሴያኣ ዪሁዳ ካኣቲ ዓጮ ባይሲንታ ሄላንዳሢ ጾኑሲ ማሊሢ ኬኤዜኔ፤ ዬይ ዒ ኬኤዜ ማሊያ ዴራ ማዳ ሻኣካያ ማዔ ፒዜ ዎጎ ዎቢሲያር ጾኑሲ ዴርይዳ ሜቶ ዔኪ ዬዓንዳሢ ዛሎ ላቲ ኬኤዜኔ፤ ያዲ ማዔያታቲያ ሚኪያሴ ኬኤዜ ጾኑሲ ማሊያይዳ ሴካ ቤርቲም ማዓንዳ ዎዛ ዓኣያ ማዔሢ ዔርዛ ሚርጌ ማላታ ዓኣያኬ።

ባሽና ኮሺ ዛገንታኒ ኮይሳ ቤዛ ጾኑሲ ቢታንቶኮ ዴማ ዓኣ ዓጮም ቢያ ኮሺ ማዓንዳሢ (4:1-4)፣ ዳውቲ ዜርፃፓ ዴኤፒ ካኣቲ ዔቃንዳሢና ዴርም ኮሹም ዒንጋንዳሢ (5:2-4)፣ ዬያጉዲ ሃሃ ዒሰራዔኤሌይዳ ጾኑሲ ማሊያ ኬኤዛዘንሢ ኬኤዜ ቃኣላ ቢያ ፔቲ ፓይዲዳ ኬኤዚንታ ሃይሴና ኩማያ ማዔሢ ዔርዛያኬ፤ ዬኖ ማሊያ ዓርቄ ፓይዴላ ሂዚ ጋዓያኬ፡-

«ዒዚ ኦጊዳፓ ኮዓሢ ኦኡኒ ፒዜ ማዔ ባኣዚ ማዳንዳጉዲ፣ ኮሺ ባኣዚ ማዳሢ ን ኮዓንዳጉዲ፣ ጾኑሲና ዎላ ጉቤ ዒናፓ ሽሌዔ ማዓሢና ሃንታንዳጉዲኬ።» (6:8)

ማፃአፔላ ዲማ ዲማ ዓርቄ ባኮ

- ናንገና ናንጋ ጎዳ ፔ ዴርይዳ ሜቶ ዓጋንዳሢ (1:1—2:11)
- ሃጊ ማዓንዳ ዎዛ (2:12-13)
- ጾኑሲ ፑርቶ ሱኡጎንታ ዒዛ ማሊያ ኬኤዛኔ ጌይ ሉኡቃ ዓሰንታይዳ ፑርታ ባኣዚ ዓጋንዳሢ (3:1-12)
- ዒሰራዔኤሌ ዓጮ ዓኮይዳ ዓኪ ጌኤሺ ማኣሪ (4:1—5:15)
- ዒሰራዔኤሌ ዓሰኮ ዳቢንታ ፔጋዴሢ (6:1—7:7)
- ዴርኮ ጾኑሲ ባንሢ ማዒያ (7:8-20)

1 ዪሁዳ ዓጮ ካኣታ፣ ዒዮዓታሚንታ ዓካኣዜንታ ሂዘቋያሴንታ ካኣታዴ ዎደና ሞሬታ ካታም ዓሢ ጾኑሲ ማሊያ ኬኤዛ ሚኪያሴም

ሳማሪያና ዩሩሳሌምና ዛሎ ያኑሲ ፔጋሲ ደዌያና ዒ ኬኤዜ ቃኣላ ያዲ ጋዒያኩ፡-

ሳማሪያና ዩሩሳሌምና ዩኤኪንታንዳ ሜቶ ዩኤፒ

2 ዒንሢ ሃይ ሜሌ ዴራ ቢያ ዋይዙዋቲ!

ዒንሢ ሳይይዳ ናንጋ ዓሳ ቢያ ሃያ ዒና ዔኪ ዋይዙዋቲ!

ናንጊና ናንጋ ጎዳ ፔኤኮ ዲማዴ ጌኤዢ ማኣራፓ

ዒንሢኮ ማዶ ዒዳ ዒንሢ ዑፃ ማርካዳንዳ።።

3 ናንጊና ናንጋ ጎዳ ዒዛኮ ዲማዴ ናንጎ ማኣራፓ ሙካንዳ፤

ዒዚ ኬዲ ሳይኮ ዳጌ ዳጌ ማዔ ቤዛ ሃንታንዳ።።

4 ዬሮ ዋዶና ሾፒ ታሚ ዓልቁሳሢጉዲ

ዋኣሢያ ዳጌ ቤሲዳፓ ሊካ ዋታሢጉዲ

ዲካ ዒዛኮ ቶኮ ዴማ ዓልቃንዳ፤

ዛራኣ ሾኦኪንታንዳ።።

5 ዬይ ቢያ ማዔሢ ያይቆኦይ ዳቢንቶር፣ ዒሰራዔኤሌ ማኣር ጎሞርኬ፤ ዒሰራዔኤሌ ዴር ዳቢሾሢ ሃናዳይ? ሳማሪያ ካታሞቱዋዓዳ? ዩሁዳ ዴራ ሜሌ ያኦዛ ካኣሽኪ ጎሜ ማዳንዳጉዲ ማሃሢ ሃናዳይ? ዩሩሳሌምቱዋዓዳ? 6 ዬያር ናንጊና ናንጋ ጎዳ፡- «ሳማሪያ ታኣኒ ቦኦሊዳ ማኣሪ ደዔያኮ ሹቺ ኩሊንቴያጉዲ ማሃንዳ፤ ዋይኔ ቱኪንታ ጎሺ ቤሲ ዒዛ ማዓንዳ፤ ዬያ ካታሞኮ ደዔ ሹጮ ዶኦቺ ታኣኒ ኮላሲ ዓርሣንዳ፤ ዒዛኮ ዓይያ ማሃ ማዢና ሹጮዋ ታኣኒ ደይሳንዳ።። 7 ዒዛ ካኣሽካ ሜሌ ያኦዛ ቢያ ሜቃንዳ፤ ዒዛኮ ጌኤዢ ማኣርሞ ዞኦዛ ኮኦማ ላኣላ ጨጊሴ ባካ ቢያ ታሚና ሚቺንታንዳ፤ ዒዛ ካኣሽካ ሜሌ ያኦዛ ቢያ ታኣኒ ባይዛንዳ፤ ሳማሪያ ዬያ ዓርሲ ኮሾና ባኮ ቡኩሴሢ ዞኦዛ ኮኦሚያ ዛሎ ጨጊሴ ማሃኒኬ፤ ሃሢያ ዒዛኮ ሞርካ ዞኦዛ ኮኦሚ ዴንቆ ባኮ ዬያና ዴንቆያ ማሃንዳ።።»

ዩሁዳይዳ ሄላንዳ ባይሲንታ

8 ዬካፓ ሚኪያሴ፡- «ዬያ ዛሎር ታኣኒ <ዎኦ! ዎኦ!> ጌይ ዩኤካንዳ፤ ታኣኒ ያያያ ማዒያ ዔርዛኒ ዑሢ ካሎ ማዒ ቶኪ ጉሪ ሃንታንዳ፤ ዓዳ ዉኡኮጉዲ ታኣኒ ያኦላንዳ፤ ሃሃ ቱኡቴጉዲያ ዒላታንዳ።። 9 ሳማሪያኮ ኪፃ ፓፃኒ ዳንዳዓያቱዋሴ፤ ዬይ ሜታ ዩሁዳ ሄሌኔ፤ ታኣኮ ዴራ ቡኪንታ ዩሩሳሌም ጳኦኮዋ ኬሰኪ ሄላያ ማዓንዳ።» ጌዔ።።

1:1 1:1 2ካኣቶ. ማ 15:32—16:20፤ 18:1—20:21፤ 2ፆኣሲ. ዓሃኬ 27:1-7፤ 28:1—32:33።

10 ጌቲ ጌይነታ ቤዛ ዓኣ ኩኩኮ ሞርኮም ኑና ሄሌ ማቶ ኬኤዚፖቲ፤ ዒኢካ ፔቲታፖ ዩኤኪፖቲ፤ ቤትፖፔራይዳ ዓኣ ኑ ዒጊኖ ባኣካ ጋዓንቴ ሲላላ ቡምባሊ ቡምባሊ ዩኤኩዋቲ! 11 ዒንሢ ሻፒሬ ዴራ ዑሢ ካሎ፣ ዲዒንቴ ዓሲፖዲ ማዒ ቦርሲንቲ ዒኢና ፖኦኪ ዴንዲዋቲ፤ ፆዒናኣኔ ካታሞይዳ ናንጋ ዓሳ ካታማፓ ኬሰካኒ ጫርቃዓኬ፤ ቤትዔፄኤሌ ፔኤር ዩኤፒ ቤሲ ማዔሢር ዒንሢም ፑኖ ካይዚ ዒዛ ማዓኒ ዳንዳዑዋሴ። 12 ማርቲ ካታሞ ዴራ «ኮሺ ባኣዚ ኩኩም ሙካንዳኔ» ጌይ ሃጊ ማዓ ዋዛ ጌሣኔ። ናንጊና ናንጋ ጎዳ ጋዓንቴ ዩሩሳላሜይዳ ባይሲንታ ኬይሴኔ። 13 ዒንሢ፣ ላኪሼ ዓጮ ዓሳ ሳርጌሎ ፆይቶ ጎቻ ፓራሢ ጊኢጊሹዋቲ፤ ዒሰራዔኤሌ ዓሶኮ ጎሜ ማዔ ዓሳ ዒንሢኬ፤ ዩሩሳላሜ ዳሲሼ ዓሳኣ ዒንሢኬ። 14 ዪሁዳ ዴሬዮቲ! ዒንሢ ዓካሪ ሞሬሼት ጋኣቲ ጌይነታ ካታሞም ፆሎ ሺሚሶ ዒንጎ ባኣዚ ዒንጋንዳኔ፤ ዓክዚቤ ዴራ ዒሰራዔኤሌ ካኣቶ ጌሻንዳኔ።

15 ሜሪሳ ዴሬዮቲ! ፆሊ ዒንሢ ዓርቃንዳ ሞርኬ ዒንሢዳ ዔኪ ታኣኒ ዩዓንዳኔ፤ ዒሰራዔኤሌ ዓሶኮ ቦንቲንታ ሱኡጋ ዓዱላሜይዳ ዓኣ ዴኖ ዔታ ዓኣሺንታንዳኔ። 16 ዒንሢ ዪሁዳ ዓጮ ዓሳ! ናኣታ ዒንሢኮ ዲዒንቲ ዔውታንዳሢር ሃያ፣ ዒንሢ ሸኤ ናኣቶ ዛሎ ፆዩፆ ዔርዘኒ ቶኦኮ ጉኡሊንቲዋቲ፤ ቶኦካ ዒንሢኮ ዓዳ ሃሞፑር ቶኦኪፖዲ ቲልቤያ ማፆንጎ።

2

ማንቆ ዓሶ ሄርቁ ዋይሣ ዓሶ ሄላንዳ ፑርታ ባኣዚ

1 ፑርታ ማዶ ማዳኒ ማሊ ቱካዘንሢና ላሂ ቤዛ ዓኣፆ ጌኔ ማሊ ቡካዘንሢም ባዴዔ! ዩያ ማዳኒ ዔራቶ ዔያቶኮ ዓኣሢር ሳዓ ካራዘ ዔያታ ማሊ ቱኬ ባኮ ማዶይዳ ፔኤሻኔ። 2 ጎሺ ዓርቃኒ ኮዓፆ ሜሌ ዓሲር ዋልቁና ዔያታ ዔካኔ፤ ማኦሪ ዔካኒ ኮዓፆ ዋልቃዲ ዔካኔ፤ ዓሲ ዔኤቢኬ ጎዑዋፆ ሄርቁ ቆሎ ዔያታ ቡራኔ። 3 ዩያር ናንጊና ናንጋ ጎዳ ሂዚ ጋዓኔ፡- «ሃሢ ታኣኒ ዒንሢዳ ባይሲንታ ዔኪ ዩዓንዳኔ፤ ዩያ ባይሲንታፓ ፔቲታፖ ቶላኒ ዒንሢ ዳንዳዑዋሴ፤ ዩይ ሚርጌና ሜቶ ዋዴ ማዓንዳሢር ፆቶርቁ ሃንታኒ ዒንሢ ዳንዳዒንዲዋሴ። 4 ዩይ ቢያ ማዓ ዋዶና ዓሳ ዒንሢ ኮኦኪንሢ ማሂ ሚኢጪ ዓማላንዳኔ፤ ዒንሢዳ ሄሌ ሜታሢዳፓ ዔቁያና ሂዚ ጌይ ጎኔ ቃያፆ ማሊሲ ቃያንዳኔ፡-

ሉኡኒ ጋፒ ባይቄኔ!>
ናንጊና ናንጋ ጎዳ ኑ ዴር ቆሎ ዔኬኔ፤

ዴኖ ኑኑኑ ኑና ዲዔ ዓሶሞ ገሽኬኔ።»

5 ዴያር ናንገና ናንገ ጎዳኮ ዴር ባኣካ ዒፃ ዓገ ዴኖ ገሽካንዳ ዒይጎ ዓሲያ ባኣያ ማዓንዳኔ።

6 ዔያቶኮ ያኣሲ ማሊያ ኬኤዛኔ ጋዓ ሉኡቃ ዓሳ፡- «ሎንሦ ሃይሴ ኬኤዛ፣ ዴያጉዴ ዳውሲንቲ ኑና ሄሊንዲዎኣሢረ ዴያ ባኮ ዛሎ ሎንሦ ኬኤዛ፣» ታና ጋዓኔ። 7 ሃሣ ዔያታ፡- «ዒንሢ ያይቆኦ ናኣታ! ሃይ ጌይንታኒ ኮይሳያዳ? ናንገና ናንገ ጎዳኮ ገቢ ዳንዳዒፃ ጋፒናኣኮዳ? ሃያ ዒ ማዳያዳ?» ጌይ ያኣጫኔ፤ ጎኔና ሃንቲፃ ፒዜ ማዔሢሞ ታኣኮ ቃኣላ ኮሺ ባኣዚ ማዲዎዓዳ?

8 ናንገና ናንገ ጎዳ ሃዚ ጌይ ዔያቶም ማሃንዳኔ፡- «ታኣኮ ዴርይዳ ሞርኬ ማዒ ዒንሢ ዔቁኔ፤ ያላፓ ማዒ ጉሙርቁንቲ ዒንሢ ባኣካ ኮሺና ሃንታ ዓሶ ዒንሢ ቡሬኔ፤ 9 ታ ዴርኮ ላኣሎ ዔያቶኮ ኮዦ ማኣርና ዓኣ ቆሎናፓ ቤልኪሲ ዒንሢ ዳውሴኔ፤ ዔያቶኮ ናኣቶ ዒንሢ ታኣኮ ዓንጀና ቦንቸናፓ ቢያ ዎዴ ዲማሲ ዴይሣኔ። 10 ዔቁዎቲ፣ ዓኣዲዎቲ፤ ሃይ ቤዛ ዒንሢኮ ጎሞ ዛሎና ዒኣቲ ባይቁሢር ሃካፓ ሴካ ሃይካ ኮሺ ዒንሢ ናንገኒ ዳንዳዐ-ዎሴ።

11 «ሃይ ዴራ ኮዓሢ ለዎኔ ዐሺና ሜሌ ማሣ ዐሺያኣ ዒንሢሞ ጎዓንዳኔ ጌይ ሉኡዙዎና ኬኤዛ ጌሻ ዓሲኬ።

12 «ዒሰራዔኤሌ ዴሬዮቲ! ማራታ ባርቶይዳ፣ ማራቶ ቆልማኣ ሄንቃ ቤዛ ቡከንታሢጉዲ ዒሰራዔኤሌ ዴር ባኣካፓ ፒኣጫዲ ዓቲ ዓሶ ፔቲይዳ ታኣኒ ቡኩሳንዳኔ፤ ዓጩሎይዳ ዓሲ ሚርጋንዳኔ።»

13 ሻሢ ካር ቡላሢ ቤርታ ቤርታ ዔያቶኮ ኬሰኬኔ፤ ዔያታኣ ዒኣና ኬሰኪ ዴንዳንዳኔ፤ ናንገና ናንገ ጎዳ፣ ዔያቶ ዔኪ ዓኣዳ ካኣታሢ ቤርታ ቤርታ ዓኣዳንዳኔ።

3

ሚኪያሴ ዒሰራዔኤሌ ዓሶ ሱኡጎ ዞሪ ቆዴሢ

1 ዩካፓ ታኣኒ ሃዚ ጌዔኔ፡- «ዒንሢ ያይቆኦ ናኣቶ ሱኡጋ፣ ዒንሢ ዒሰራዔኤሌ ዓሶ ዎይሢ ዓሳ ዎይዙዎቲ! ዒንሢ ፒዜ ዎጌ ዔራንዳያ ኮይሱዎዓዳ? 2 ዒንሢ ጋዓንቲ ኮሺ ባኣዚ ዒፃ፣ ፑርታ ባኣዚ ናሽኬኔ፤ ታ ዴርኮ ዔጲ ዓኣንቲ ዒልዎ ዒንሢ ሹኬኔ፤ ዔያቶኮ ዓሽኮዎ ሜጌያፓ ዒንሢ ካሬኔ፤ 3 ታ ዴርኮ ዓሽኮ ዒንሢ ሙዔኔ፤ ዒልዎዎ ዔያቶኮ ዐ-ፃፓ ዒንሢ ሹኪ ዔቁሴኔ፤ ሜጌዎዎ ቆፂ ዒንሢ ዔያቶኮ ሜንሣኔ፤ ዓሽኪ ሻኣቆ ቦኣቆይዳ ሻኣቁንታሢጉዲ፣ ጊንሣ ሃሣ ዲሲቲይዳ ካሣኒ ቲቆሢጉዲ ዒንሢ ዔያቶ ቲቁኔ። 4 ዔያታ

ናንገና ናንጋ ጎዳ ባንሢ ሜታዲ ዲላታንዳኔ፤ ዲዚ ጋባንቴ ዔያቶም ዋይዚ ማሃባኬ፤ ዔያታ ማዳ ፑርቶ ማዳፓ ዔቄያና ዲዚ ዔያቶይዳፓ ፔኤኮ ባኣፖ ካሮ ሺርሻንዳኔ።»

5 «ናንገና ናንጋ ጎዳ ሉኡዙሞና ፆኦሲ ማሊሢ ኬኤዛኔ ጋባ ባሶም፡- ዔያታ ዔኤቢ ዴንቃ ባኣዚ ባኣ ጋባዛ፤ <ኮሺ ዲንሢም ማባንዳኔ> ጌይ ኬኤዛኔ፤ ጋባንቴ ዔኤቢ ዔያታ ዴንቁሞ ማባ ዎዶና፡ <ዲንሢዳ ያልዚ ሙካንዳኔ> ጌይ ዲላቲ ኬኤዚሢሢና ዴሮ ዔያታ ዲቢሻኔ፤ 6 ዩያሮ ዩያ፡ ፆኦሲ ማሊያ ሉኡዙሞና ኬኤዛ ባሶም ሮኦራ ዲማንዳኔ፤ ባቢ ጌሌም ዋንታ ዔያቶም ማባንዳኔ፤ ሃካፓ ሴካ ፆኦሲ ፔጋሲ ዳዋ ባኣዚ ዔያታ ዛጋባኬ፤ ሎንሦዋ ዔያታ ኬኤዛባኬ። 7 <ፆኦሲ ፔጋሲ ዳዋ ባኣዚ ኑ ዴንቃኔ፡ ሎንሦ ኑ ኬኤዛኔ> ጋባ ባካ ቢያ ዔያቶም ገኢገንዲዋኣሢሢሢሢ ዔያታ ዳውሲንታንዳኔ፤ ናንገና ናንጋ ጎዳ ዔያቶም ማሃ ኬኤዚንዲዋኣሢሢሢ ሰርሲንታፓ ዔቄያና ባኣፖ ካሮ ፔኤኮ ዔያታ ኩቻ ባርቄ፡ ሳባ ዛጋንዳኔ።»

8 ታኣኒ ጋባንቴ ያይቆኦቤም ዳቢንቶ፤ ዲሰራዔኤሌማኣ ጎሞ ኬኤዛንዳፑዲ ናንገና ናንጋ ጎዳ ባያና፡ ዎልቄ፡ ፒዙሞንታ ደዲሞዎ ታኣም ዲንጌኔ። 9 ዲንሢ ያይቆኦቤ ማኣሮ ሱኡጋ፡ ዲሰራዔኤሌ ማኣሮ ዎይሢ ባሳ፡ ፒዜ ዎጌ ቶኦቻ ባሳ፡ ፒዜ ማዔ ባኮ ቢያ ዎቢሻ ባሳ! ዋይዙዎቲ፤ 10 ዲንሢ ባሲ ዎዲሢና ጂዮኔ፡ ጌኔ ማዶና ዩሩሳላሚ ማኣሮ ባሲኬ። 11 ካታሚሎኮ ደኦሪንቴ ባሳ ዎጋሢ ዴሚና ዔኮ ሚኢሺ ዔኮኬ፤ ቄኤሳኣ ዔኮ ባኣዚ ዔኮዎዎ ባሶ ዔርዙዎሴ፤ ፆይ ፆይ ማዲንታንቴ ዔያታ፡- «ናንገና ናንጋ ጎዳ ኑኡና ዎላ ባኣሢሮ ባይጎዎ ማፆም ፑርታ ባኣዚ ኑና ሄላባኬ» ጌይ ናንገና ናንጋ ጎዳና ዔያታ ሄርሺንታኔ።

12 ዩያሮ ዲንሢ ማዳ ፑርቶ ባኮሮ ጂዮኔ ባዳ ጎሺፕዲ ጎሽታንዳኔ፤ ዩሩሳላሚኮዎ ማኣሮ ደዲያ ሹጫ ኩላ ማባንዳኔ፤ ጌኤዢ ማኣራ ማኣኸንቴ ቤዛኣ ዲሚ ካይዚ ማባንዳኔ።

4

ኮሹማ ሚርጋንዳ ፆኦሲ ካኣቲማ ሙካንዳሢ
(ዲሲ. 2:1-4)

1 ጋፒንያ ዎዶና
ናንገና ናንጋ ጎዳኮ ጌኤዢ ማኣራ ማኣኸንቴ ዲካ
ሜሌ ዲኮ ቢያይዳፓ ዑሣ ባሺ ጴዳንዳኔ፤

3:12 3:12 ዔ.ሮ. 26:18።

ጌሜር ጉቤሢዳፓኦ ኮሺ ዴግ ጋዓንዳኔ፤
ሚርጌ ዴር ካኦታ ዒዛ ባንሢ ጎዓንዳኔ።

2 ዴያር ዴራ ሚርጌሢ፡-

«ዋጌ ደዮኔይዳፓ፡ ናንጊና ናንጋ ጎዳኮ ቃኦላ ዩሩሳላሜይዳፓ
ዴዳሢሮ

ሃሊ ሙኩዋቴ፡ ናንጊና ናንጋ ጎዳኮ ዱኮ ኦኡኒ ኬሰኮም፤

ያይቆኦ ያኦሲኮ ጌኤኩ ማኦሪ ኦ ዓኦደም፤

ዒዚ ፔ ማሊያ ኦ ኩንሣንዳጉዲ ኦና ዔርዘንዳኔ፤

ኦኡኒያ ዒዛ ጎይያ ዴንዳንዳኔ» ጋዓንዳኔ።

3 ዒዚ ሚርጌ ሜሌ ዴር ባኦካ ዋጋንዳኔ፤

ሃኬና ዑኬናይዳ ዓኦ ዴኤፖ ካኦቶ ባኦካ

ዓኦ ዲማዲያ ፔቴ ማሂ ጊኢጊሻንዳኔ፤

ዴያር ዔያታ ፔኤኮ ጨንቾ ዓፓር ማራሻ

ዋርያዋ ዔያታ ባኦቹ ማሂ ዲይሳንዳኔ።

ካኦታ ዋሊዳ ያልዚ ዔቁሳሳኬ፤

ዩካፓ ያልዚ ያሎ ጎይሢ ዔራኒ ኮዓንዳ ዓሲያኦ ባኦሴ።

4 ፔቴ ፔቴ ዓሳ ፔ ቴኬ ዎይኖና

ቤሌሶ ሚያኮ ሺባ ዴይ ኮሺና ሃውሻንዳኔ፤

ዔያቶ ዒጊቻንዳ ባኦዚያኦ ባኦሴ፤

ቢያ ባኮ ዎይሢ ጎዳሢ ዩያ ጌዔኔ።

5 ሜሌ ዴራ ቢያ ፔኤኮ ሜሌ ሜሌ ያኦዞ ካኦሽካንዳኔ፤ ኦኡኒ
ጋዓንቴ ናንጊና ናንጋ ጎዳ ማዔ ኦ ያኦዞሢ ካኦሽኪ ናንጋንዳኔ።

ዒሰራዔኤሌ ዴርኮ ዳውሲንቴ ቤዛፓ ማዒያ

6 ናንጊና ናንጋ ጎዳ፡- «ዩኖ ኬሎና ዋሶ ዓሶንታ ታኦኒ ሜቶ
ዔያቶይዳ ዓጌም ዳውሲንቴ ዴንዲ ሜታኦ ኬዴ ታ ዴር ታኦኒ
ቡኩሳንዳኔ። 7 ዋሶ ዓሳ ፒኢጫዲ ዓታንዳጉዲ ታ ማሃንዳኔ፤
ዋሊንቴ ዓኦዘንሢያ ደዲ ዴሬ ታኦኒ ማሃንዳኔ፤ ታኦኒያ ደዮኔ
ዲኮይዳ ዩኖ ኬላፓ ዓርቃያ ናኦናና ዔያቶ ዑፃ ካኦታዳንዳኔ» ጋዓኔ።

8 ኦኡኒ ዒዛኮ ቆልሞ ዴዒ ሃንቆ ሴኤላሢዮ! ደዮኔ ዉዲር
ናኦቶኮ ጌሜራሢዮ! ኦኡኒ ሚና ዎይሢ ዓጫ ኦኤም ማዓንዳኔ፤
ኦኡኮ ካኦቹም ቢታንታኦ ጊንሣ ማዓንዳኔ። 9 ሃያይዲ ዴጊዲ ኦኡኒ
ዒላታሢ፡ ሸይቹ ዓርቄ ላኦሊጉዲ ኦኡኒ ሜታዳሢ ዓይጎርዳይ?
ኦኡኮ ካኦቱ ባኦሢሮዳ? ሃንጎ ኦኡኮ ዞራ ዓሳ ቢያ ባይቄሢሮዳ?

10 ዩሩሳላሜ ዴሬዮቴ! ሸይቹ ዓርቄ ላኦሊጉዲ ሜታዲዋቴ፤

ሃሢ ዒንሢ ካታማፓ ዳውሲንቲ ኬሰኪ ቦኦላ ዲንኪ ዴባንዳኔ፥ ባብሎኔ ባጮቀ ዒንሢ ዴንዳንዳኔ፤ ዒኢካ ናንገና ናንገ ጎዳ ዒንሢ ዳቁሻንዳኔ፤ ሞርኮ ኩጫፓኣ ዒንሢ ዒ ዳውሳንዳኔ። 11 ሃሢ ጋባንቲ ሚርጌ ሜሌ ዴሬ ዒንሢ ባይዛኒ ቡኪንቲ፡- «ዬሩሳሌሜ ዒኢቲያ ማፖንጎ! ኑ ዒዞኮ ሻሂንቲ ባይቁፆ ዛጎም!» ጋባኔ። 12 ዬያታ ዴራ ጋባንቲ ናንገና ናንገ ጎዳኮ ማሊያ ዔሩቀሴ፤ ሺርኪንታ ሃኣኮ ቆይዳይዳ ኩሊንታሂጉዲ ዒዚ ዔያቶ ቡኩሲ ሜታሳኒታሂ ዔያታ ዔሪባኣኪ።

13 ናንገና ናንገ ጎዳ፡- «ዒንሢ ዬሩሳሌሜ ዴራ! ባኣዲጋፓ ዒንሢኮ ሞርኮ ባዳ ሃኣኮጉዲ ሺርኩቀቲ! ጉራና ባንገ፥ ሄርቃ ሹቁላ ሞኦና ባንገ ማዔ ጌማይጉዲ ዒንሢ ታኣኒ ደዲ ማሃንዳኔ፤ ሚርጌ ሜሌ ዴሮኮ ካኣቶ ዒንሢ ጋኣጫንዳኔ፤ ዔያታ ጌኔ ጎይሢና ቡኩሴ ቆልሞንታ ቆሎቀ ቢያ ባጮ ቢያኮ ጎዳ ማዔ ታና፥ ያኦሲም ዒንሢ ዔኪ ሺኣሻንዳኔ» ጋባኔ።

5

ቤኤቴሌሄሜይዳፓ ሱኡጌ ኬሰካንዳያ ማዒፃ ኬኤዚንቲሢ

1 «ዒንሢ ዬሩሳሌሜ ዴራ! ሃሢ ኑኡኒ ሞርኬና ማንገንቲሢረ፥ ዒሰራዔኤሌ ባሶ ሱኡጋሢኮቀ ጋንጋራ ኮኦሎና ጸርቁንታኒታሢረ ዒንሢኮ ስሎ ባሶ ፔቲይዳ ገኢገሺ ዔቁሱቀሴ።»

2 ናንገና ናንገ ጎዳ፡- «ኔኤኒ፥ ዔፕራታይዳ ባኣ ቤኤቴሌሄሜ ካታሜሌ! ዪሁዳ ባጮይዳ ባኣ ዳኮ ዳኮ ካታሞይዳፓ ፔቲዞ ኔኤኒ ማዔታቲያ ሙካ ዒዛኮ ሚናኣፓ ባርቃፆ ናንገና ናንጋያ ማዔ፥ ዒሰራዔኤሌ ዴር ዋይሃንዳ ሱኡጌ ታኣም ኬሰካንዳኔ» ጋባኔ።

3 ዬያር ዒዛኮ ዒንዳ ዒዛ ሾባንዳ ዋዳ ሄላንዳኣና ናንገና ናንገ ጎዳ ዴር ፔኤሲ ሃሻንዳኔ፤ ዬካፓ ዳውሲንቲ ዴንዲ ባኣ፥ ዒዛኮ ዒገና ማዒ ሙኪ ዔያቶኮ ዒገናና ዋላ ሲኢሪንታንዳኔ። 4 ዒዚ ሙካ ዋድና ናንገና ናንገ ጎዳፓ ጰዳ ደዴሞና ዴኤፑሞና ማራቶ ዒዚ ሄንቃንዳኔ፤ ዒዚ ዬያ ማዳንዳሢ ቦንቺንቲ ናንገና ናንገ ጎዳ ማዔ ዒዛኮ ያኣዛሢ ሱንፆናኬ፤ ዴኤፑማ ዒዛኮ ሳዮኮ ጋፖ ሄላንዳኣና ዔርታንዳሢረ ዒገና ዒዛኮ ሄርጋ ባኣያ ናንጋንዳኔ። 5 ዒዚ ዔያቶም ኮሹሞ ዔኪ ሙካንዳኔ።

ዳውሲሢና ሜቶ ባገሢና ዛላ

ባሶኦሬ ባሳ ኑ ባጮ ያሊ ባርቃኒ ሙኪ፥ ኑኡኮ ሞርዲዮ ኬኤሎ ዲዮ ገዔቲ ኑኡኮ ካፓ ባሶ ላንኮና ሳሎ ሱኡጎና ኑ ዔያቶ ያሊሻንዳኔ።

5:2 5:2 ማቲ. 2:6፤ ዮሃ. 7:42።

6 ናሞሩዴ ዓጮ ጌይንታ ዓሶኦሬ ዔያታ ፔኤኮ ስሎ ዓሶ ዋልቆና ያሊ ባሺ ዓርቃንዳኔ፤ ዓሶኦሬ ዓሳ ኦኡኮ ዓጮ ያሊ ባሺ፣ ዛጸና ኦኡኮ ፒንቁቴያ ኦኡኮ ሱኡጋ ዔያቶ ኩጫፓ ኦና ዓውሳንዳኔ።

7 ሃይባፓ ዓቴ ዒሰራዔኤሌ ዴራ ሚርጌ ሜሌ ዴሬ ባኣካ ናንጊና ናንጋ ጎዳ ኬይሳ ያልከና ማኣቲዳ ዋርቃ ፀብ ዒርዚናጉዲ ማዓንዳኔ፤ ዔያታ ጉሙርቁ ካፓንዳሢ ዓሰቱዋንቴ ናንጊና ናንጋ ጎዳ ሌሊ ማዓንዳኔ። 8 ዩንሢ ሚታሢዳፓ ዓቴ ዒሰራዔኤሌ ዴርንሢ ሚርጌ ዴር ሜሌሢ ባኣካ ናንጋኣና ካይዚዳ ቦዖ ኬሚ ናንጋ ዘቢጉዲ ማዓንዳኔ፤ ዩያጉዲ ሃሢ ዔያቶ ዓውሳ ዓሰባኣ ማራቶ ባኣኮ ዔርቱዋንቴ ጌሊ ሜንሢ ሸኦሊ ሙዓ ሃጊ ዔቃ ዘቢጉዲ ማዓንዳኔ። 9 ዒሰራዔኤሌ ዓሳ ፔኤኮ ዶዶ ዋልቆና ሞርኮ ያሊ ባይዘንዳኔ።

10 ናንጊና ናንጋ ጎዳ፡- «ቤርታዲ ጋዓንቴ ታኣኒ ፓራሢ ዒንሢ ባኣካፓ ባይዘንዳኔ፤ ሳርጌሎ ያይቶዋ ጋፒሲ ባይዘንዳኔ።

11 ዒንሢኮ ዓጮይዳ ዓኣ ካታሞዋ ታኣኒ ሻሃንዳኔ፤ ዋርዲዮ ቤዘዋ ቢያ ታኣኒ ዶይሳንዳኔ። 12 ማርሾ ታ ዒንሢኮ ባይዘንዳኔ፤ ዓማቶ ማዒ ማዳ ዓሲያኣ ዒንሢ ባኣካ ጴዳዓኬ። 13 ዒንሢ ቆኦቁ ኮሼ ሜሌ ያኦዘንታ ዒንሢ ዚጋ ዳኣቦ ዒንሢ ባኣካፓ ታኣኒ ባይዘንዳኔ፤ ዒንሢ ኩቻ ኮሼ፣ ሜሌ ያኦዘሞ ሃካፓ ሴካ ዒንሢ ዚጋዓኬ። 14 ዓሼራኮ ማላቶ ታ ዒንሢ ዓጫፓ ቱጊ ባይዘንዳኔ፤ ዒንሢኮ ካታሞዋ ታኣኒ ሻሃንዳኔ። 15 ታኣሞ ዓይሢንቶ ዒፄ ካኣቶ ቢያ ታኣኮ ዴኤፖ ዳጎና ኮሞ ታ ኮፃንዳኔ።»

6

ናንጊና ናንጋ ጎዳ ዒሰራዔኤሌ ዴርሞ ጌዔ ባኮ

1 ናንጊና ናንጋ ጎዳ ዒሰራዔኤሌ ዴርሞ ጋዓ ባኮ ዋይዘዋቴ፤ «ዔቁዋቴ! ዒንሢኮ ዓኣ ማሊያ ዴኮ ቤርታ ሺኢሹዋቴ! ጌሜራኣ ዒንሢ ጋዓ ባኮ ዋይዘንጎ። 2 ዒንሢ ሃይ ዴካ ናንጊና ናንጋ ጎዳ ፔ ዴርሞ ጋዓ ባኮ ዋይዘዋቴ! ሃሃ ዒንሢ ዶዲ ማዔ፣ ሳዖኮ ፃጳኣ ዋይዘዋቴ! ናንጊና ናንጋ ጎዳ ፔኤኮ ዴር ዒሰራዔኤሌ ዓሶኮ ዳቢንቶ ኬኤዚ ኬኤዚ ጎራኔ።»

3 ናንጊና ናንጋ ጎዳ፡- «ታ ዴሬዮቴ! ታ ዒንሢ ዋዋይይ? ታ ዒንሢሞ ዴኤጊሴ ባካ ዓይጎዳይ? ሂንዳ ታኣሞ ማሂ ኬኤዘዋቴ። 4 ጊብፄ ዓጫፓ ታ ዒንሢ ኬሴኔ፤ ዓይላቶ ዓጫፓ ታ ዒንሢ ዓውሴኔ፤ ሙሴንታ ዓኣርኔንታ ማይራሞንታ ዒንሢሞ ሱኡጌ ማሂ

5:6 5:6 ማዘ. ማፃ 10:8-11።

ታ ዲንገኔ። 5 ታ ዳሪዮቲ! ሞዓኣቤ ዓጮ ካኣቲ ባኣላኣቁ ዲንሢ ዎዳኒ ማሌቲ፣ ቢዖኦ ርኣዚ ባኣላኣሜያ ማሂ ዲዛም ዎዚ ገይ ኬኤዜቲ ሂንዳ ማሉዎቲ፤ ዖኣሲ ዲሉሞ ማዶ ዲንሢ ዔራንዳጉዲ ሺዲሜይዳፓ ዔቁ ዲንሢ ጌልጌላ ዓኣዳ ዎዶና ጎይዖይዳ ማዲንቲ ባኮ ቢያ ማሉዎቲ፤ ዬያ ቢያ ዲንሢ ማሊ ጳቂሢያ ማዔቲ ዲንሢ ዓውሳኒ ታኣኒ ማዶ ባኮ ቢያ ዲንሢ ዔራንዳኔ» ገዔኔ።

ናንገና ናንጋ ጎዳ ፔ ዳራፓ ኮዓ ባኮ

6 ዳኤፖ ዖኣዛሢ ማዔ ናንገና ናንጋ ጎዳም ዚጋኒ ሙካ ዎዶና ታኣኒ ዓይጎ ዔኪ ሺኢሾንዶይ? ሚቲ ዲንጎ ዲንገሢ ማዓንዳጉዲ ፔቲ ለዔ ማዔ ናኣሪ ዔኪ ሙኮንዶ? 7 ዓዳ ማራይ ሺያ፤ ሃንጎ ታጳ ሺያ ዎርዚ ዎኣሢጉዲ ማዔ ሪሚቶ ዛይቶ ቲዡ ዔኪ ታ ዲዛም ሺኢሾቲ ዲዚ ዎዛዳንዳኖ? ሃሣ ታኣኮ ዳቢንቶና ጎሞና ዛሎ ታኣኮ ናኣዚ ቶይዲ ሹኪ ዲዛም ሺኢሾንዶ? 8 ናንገና ናንጋ ጎዳ ኮሺ ማዔ ባኮና ዲዚ ኔ ገዳፓ ኮዓ ባኮ ኔኤም ኬኤዜኔ፤ ዲዚ ኮዓሢ ፒዜ ማዔ ባኣዚ ኔኤኒ ማዳንዳጉዲ፣ ኮሺ ባኣዚ ማዲሢ ኔ ኮዓንዳጉዲ፣ ዖኣሲና ዎላ ጉቤ ዲናፓ ሺለዔ ማዒሢና ሃንታንዳጉዲከ።

9 ናንገና ናንጋ ጎዳ ዲገጩሢ ዔራቶኬ፤ ካታሜሎም ዲዚ ሂዚ ጋዓኔ፡- «ዲንሢ ካታሜሎይዳ ቡኬ ዓሳ ዎይዙዎቲ! 10 ዲንሢ ፑርታ ባኣዚ ማዳ ዓሳ! ገኔ ጎይሢና ዲንሢ ዴንቁ ቆሎንታ ፒዜቲዎ ማኮ ባኮና ዲንሢ ቡኩሲ ዔኬ ሻኣካ ባኮ ታኣኒ ዎላንዳ? 11 ፒዜ ማዒባኣ ዴኤሡሞ ዔር ባኮ ዓርቁ ዓሢ፤ ገንሣ ሃሣ ፒዜ ማዒባኣ ማኮ ባኮ ዓርቁ ዓሢ ታኣኒ ዛጊ ገባንዳ? 12 ዖርጎጮ ዓሳ ዲንሢኮ ዲቢ ገኔ ማዶ ማዳያኬ፤ ካታሜሎይዳ ናንጋ ዓሳኣ ሉኡዙሞ ጌሰታኔ፤ ገሺያ ዔያታ ገሻኔ። 13 ዬያር ታኣኒ ዲንሢ ጎሞ ዛሎና ዲንሢ ባይዛኒና ዎዲያኣ ባይዛኒ ዔቁኔ። 14 ዲንሢ ሙዓንዳኔ፣ ሚሽካዓኬ፤ ናያ ዲንሢኮ ጋፓዓኬ፤ ዲንሢ ቡኩሳንዳኔ፣ ጋዓንቲ ዲንሢም ዴዓዓኬ፤ ዲንሢ ቡኩሴ ቆሎ ዓኣታቲያ ዖልዚና ታኣኒ ባይዛንዳኔ። 15 ዜርሢ ዲንሢ ዜርቃንዳኔ፣ ጋዓንቲ ሃኣኮ ዲንሢ ቡኩሲ ዔካዓኬ፤ ሪሚቶ ዓኣፖ ሄርቁ ዲንሢ ጩኡጳንዳኔ፣ ዛይቶ ቲዡ ጋዓንቲ ዲንሢ ሙዓዓኬ፤ ዬያጉዲ ሃሣ ዎይር ዓኣፖ ዎ ሄርቃንዳኔ፣ ጋዓንቲ ዲንሢ ዬያ ዑዡ ዑሽካዓኬ። 16 ዬይ ቢያ ዲንሢ ሄላንዳሢ ካኣቲ ዖምሪኮ ዳምቦ ዲንሢ ኩንሢሥርና ካኣቲ ዓክዓቤ ዓሳ ማዶ ባኮ ቢያ ዲንሢ ማዳሢርኬ፤ ዔያቶ ዘር ዲንሢ

6:4 6:4 ኬሲ. ማፃ 4:10-16፤ 12:50-51፤ 15:20። 6:5 6:5 ፓይ. ማፃ 22:2—24:25፤ ዒያ. 3:1—4:19።

ኩንሠሠረ ታ ቢንሠረ ባይዘንዳኔ፤ ዳርዋ ታ ቢንሠረ ባሲ ቢያ ቶኦቻያ ማሃንዳኔ።»

7

ዲሰራዔኤሌ ዳርኮ ፑርቲያ

1 ዋይኖንታ ቤሌሶ ዓኣፖንታ ካዲ ማንግንቴሰካፓ ሙዓኒ ኮዓ ዓኣፖ ደንቃኒ ዳንዳዒባኣ ናይዳ ዓሲጉዲ ታኣኒ ማዔሠረ ታና ባዳዔ! ታኣኒ ሙዓኒ ዓፃዳ ቤርታዲ ካዲ ቤሌሶ ዓኣፓ ባኣሴ።

2 ሳፆይፓ ጉሙርቁንታ ዓሲ ባይቄኔ፤ ፔቴታፆ ፒዜ ዓሲ ባኣሴ፤ ጉቤሠ ዓሲ ዋዳኒ ካታኔ፤ ዋለም፡ ፔቴይ ባጋሠኮ ጊንፆ ሃንቲ ሃንቲ ፒር ፒራኔ።

3 ኩጫ ዔያቶኮ ፑርታ ባኣዚ ማዲሠ ዔሬያኬ፤ ቢታንታ ዓኣ ዓሶንታ ዋኅ ዋጋ ዓሳኣ ዳሜና ዔኮ ሚኢሼ ፆኦጫኔ፤ ዋልቆሲ ፔ ኮዓ ባኮ ዋልቄና ማማዲሺሳኔ፤ ዬያይዲ ቢያሠ ዋኅ ዋቢሻኔ።

4 ዔያቶ ባኣካ ሚርጌና ኮሺ ዓሲኬ ጌይንታ ዓሠ ዓዳ ዓንጊሠጉዲኬ፤ ጊንሠ ሃሠ ኮሺ ፒዜ ዓሲኬ ጌይንታሠያኣ ሙጉርጉዲኬ።

ናንገና ናንጋ ጎዳ ፔኤኮ ማሊፆ ኬኤዛ ዓሶ ዛሎና ላቲ ኬኤዜ ጎይፆና ፔ ዳርይዳ ሜቶ ዓጋንዳ ዋዴ ሙካንዳኔ፤ ሃይሹ፡ ሃሠ ዔያታ ዓኣ ጎይፆ ዲቃቲ ካራ ባይዚሠዳኬ።

5 ዓሲ ጉሙርቁፖ፤ ኔኤኮ ዑኩ ማዔ ለጋሠታቲያ ጉሙርቁፖ፤ ኔኤና ዋላ ለሃ ማቸምታፆ ኔ ኬኤዛ ባኮ ዔሪ ኬኤዛንዳያ ኮይሳኔ።

6 ዬኖ ዋድና ዓቲንቆ ናዓ ፔኤኮ ዓዶ ቶኦቻንዳኔ፤ ዉዴር ናዔላ ፔ ቢንዶ ዑፃ፡ ናኣዚ ማቻኣ ዓሆይዳ ሞርኬ ማዒ ዔቃንዳኔ፤ ዓሲኮ ሞርኬ ማዓንዳሠ ፔኤኮ ማኣር ዓሶኬ።

7 ታኣኒ ጋዓንቴ ናንገና ናንጋ ጎዳይዳ ሃጋኣ ዋዛ ጌሠንዳኔ፤ ታና ዓውሳ ፆኦዛሠያ ታ ካፓንዳኔ፤ ዒዚ ታኣም ዋይዛንዳኔ።

ዳቁንታ ናንገና ናንጋ ጎዳፓ ማዔሠረ

8 ታ ሞርካሠያ! ታኣኒ ሎኦሚያታቲያ ጊንሠ ታኣኒ ዔቃንዳሠረ ታ ሎኦሚያና ዋዛዲፖ፤ ሃሠ ታኣኒ ዲሚዳታቲያ ናንገና ናንጋ ጎዳ ታኣም ፖዓኔ።

9 ታኣኒ ናንገና ናንጋ ጎዳም ዋይዘ ዒዲ ዳቤሠረ ዒዚ ታኣም ዔቁ ዋጋንዳያ ሄላንዳኣና ዒዛኮ ጎሪንቶ ጊቢ ታ ዳንዳዒንዳኔ፤ ዒዚ ታና ፖዒ ባንሠ ኬሳንዳኔ፤ ታ ዒዛኮ ዲሎሞ ዛጋንዳኔ።

10 ታ ሞርካ ዬያ ቢያ ዛጋንዳኔ፤ «ናንገና ናንጋ ጎዳ ማዔ ኔ ፆኦዛሠ ዋካ ዓኣይ?» ታና ጋዓ ታ ሞርካ ቦርሲንታንዳኔ፤ ታኣኒያ ታ ሞርካ

6:16 6:16 1ካኣቶ. ማ 16:23-34፤ 21:25-26። 7:6 7:6 ማቲ. 10:35-36፤ ሉቃ. 12:53።

ሎአማህሪ ዛጋንዳኔ፤ ጎይህህ ዓቸዳ ዓኣ ቶርጳጉዲ ዲ ሄርቁንታንቴያ ታኣኒ ዛጋንዳኔ።

11 ዲንህህ ዬሩሳሌሜ ዴራ! ካታሜሎኮ ከኤሎ ዲፃ ኮሽንታንዳ ዎዴ ሙካንዳኔ፤ ዬሮ ዎዶና ዲንህህ ዎይህህ ዓጫ ዳልጋንዳኔ።

12 ዲማና ዴራ ዲንህህኮ ዲንህህ ባንህህ ማዓንዳኔ፤ ዬይያ፡- ዓባ ከሰካ ባንፃ ዓኣ ዓሶኦሬፓ፡ ዶኦሎ ባንፃ ዓኣ ጊብፃፓ፡ ዔፕራዲሴ ዎሮ ዓጮይዳፓ፤ ዬያጉዲ ሃህ ሃኬፓ ባዚና ዲካና ቲቂ ዔይታ ሙካንዳኔ። 13 ዓጮላ ጋዓንቴ ዲዚይዳ ናንጋ ዓሶኮ ፑርቱዎፓ ዔቁያና ዓሲ ናንጉዎ ዳውሌ ማዓንዳኔ።

ናንጊና ናንጋ ጎዳ ዲሰራዔኤሌ ዓሶ ሚጪንቴህ

14 ካዮ ባኣኮይዳ ማኣታ ዎርቂ ዓኣ ቦኣላ ፔኤሮ ናንጋ፡ ኔ ቆልሞ ማዔዘንህ ኔኤኒ ኔ ቢታንቶና ሄንቁ፤ ዓዳ ሚናኣ ዎዶጉዲ ባኣሳኔና ጌሌዓዴ ዓጮናይዳ ዔይታ ሄንቆንጎ።

15 ጊብፃ ዓጫፓ ኔ ኦና ከሴ ዎዶና ማዴ ጎይፃ ኔ ዎልቆና ማዲንታ ዓኮ ባኮ ኦና ዳዎ። 16 ዔይታ ዎልቁና ዓኣ ዓሲ ማዔይታቴያ ዬያ ዛጊ ዔይታ ቦርሲንታንዳኔ፤ ዔይታ ፔኤኮ ኩጮና ዳንጎ ዓርቃንዳኔ፤ ዎዮዎ ዔይታ ቱጫንዳኔ። 17 ሸኦሽንታ ሜሌ ዳዶና ጎቹንቲ ሃንታ ማኸንቶጉዲ ዓጪ ዔይታ ሙዓንዳኔ፤ ዔይታ ፔኤኮ ዎርዲዮ ቤዛፓ ከሰከ ጎይቂ ጎይቂ ሙካንዳኔ፤ ዔይታ ዓጊቹሞና ናንጊና ናንጋ ጎዳ ማዔ ኦ ያኦዛህህ ባንህህ ዬዓንዳኔ።

18 ጎሜ ዓቶሞ ጋዓያ፡ ፒኢጫዲ ዓቴ ኔ ዴሮኮ ዳቢንቶ ዓርቁዎያ፡ ኔናጉዴያ ያኦሲ ያናዳይ? ማኣሪህ ኔና ዎዛሳያታህሮ ዳጋ ኔኤኮ ናኣናና ጋፑዎዎ ዴዓያቱዎሴ። 19 ኔኤኒ ጊንህህ ሚሚጫንታያከ፤ ኦኡኮ ዳቢንቶ ኔኤኒ ኔ ቶኮ ዴማ ከኤሪ ሄርቃኔ፤ ጎሞ ኦኡኮ ቢያ ዴኤፖ ባዘ ዔቶይዳ ኔኤኒ ዓጋኔ። 20 ኦኡኮ ቤርታኣ ዓዶንህሞ ኔኤኒ ጫኣቂ ጎይያና ዓብራሃሜንታ ያይቆኦቤንታ ዜርፆሞ ኔኤኮ ጉሙርቁንቲያና ናንጊና ናንጋ ናሹሞዎ ኔኤኒ ቤኤዛኔ።

ጌሌዥ ማግኔግ
**The Holy Bible in the Maale language of Ethiopia,
using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929